

Uorden disciplinar dalla scola Ilanz/Glion

A. General

Art. 1

Igl uorden disciplinar survescha, ensemen cun igl uorden da casa, da contonscher igl intent da scola tenor art. 2 dalla lescha per las scolas popularas dil cantun Grischun (lescha da scola), al sustegn dallas persunas d'instrucziun en l'execuziun da lur obligaziun tenor art. 59 dalla lescha da scola ed alla garanzia d'in menaschi da scola ordinau ed intenziunau. El reglementescha las cumpetenzas dil cussegl da scola, dil meinscola e dallas persunas d'instrucziun sco era il proceder en cass da surpassaments dallas scolaras e dils scolars enviers la disciplina da scola.

intent

Art. 2

Igl uorden disciplinar vala per tut las scolaras ed ils scolars dalla scola Ilanz/Glion (scoletta, scalem primar e scalem superiur).

valeivladad

B. Reglas da cumportament

Art. 3

Igl uorden dalla casa da scola e dil plaz pausa sco era ulteriurs ils reglements e las directivas dil persunal da scola ein da suandar.

*reglements
integrai*

Art. 4

Las scolaras ed ils scolars han da secuntener in cun l'auter ed enviers tiarzas persunas cun tact e toleranza. En special han els

- a) da tener en ils temps da scola.
- b) da separticipar ad occurrenzas da scola.
- c) da sevestgir a moda adequata alla situaziun da scola resp. da l'instrucziun correspondent.
- d) da tralaschar tut quei che disturba il menaschi da scola.

disciplina da scola

Art. 5

Las scolaras ed ils scolars han da tractar cun quitaus stabiliments, ils indrezs ed il material durant il temps da scola ed il temps liber. Per donns intenziunai stat il caschunader resp. ils responsabels d'educaziun buns. Scadin indrez da scola ei da schar anavos en uorden. Donns ein d'annunziar alla persuna d'instrucziun responsabla.

*localitads,
indrezs,
apparats*

Art. 6.

Las scholaras ed il scholars astgan mintgamai entrar sulettamein 5 minutas avon l'entschatta da l'instrucziun en casa da scola. Suenten l'instrucziun ein las localitads da bandunar immediatamein. Exepiu ein activitads dalla scola da talents ni sut survigilanza d'ina persuna d'instrucziun.

*entschatta/fin da
scola
dimora en casa da
scola*

Art. 7

Cumpara ina persuna d'instrucziun nunpreviu buc a l'instrucziun, han las scholaras ed ils scholars da s'informar tier in'otra persuna d'instrucziun ni tier il meinascola e da suandar lur directivas.

*absenzas d'ina per-
suna d'instrucziun*

Art. 8

Durant las pausas grondas igl avonmiezdi ed il suentermiezdi setegnan las scholaras ed ils scholars en general si el liber. Davart excepziuns decida la persuna d'instrucziun. Durant las pausas astgan las scholaras ed ils scholars bandunar igl areal da scola mo cun lubientscha d'ina persuna d'instrucziun.

pausas

Art. 9

En las stanzas da scola eis ei buc lubiu da consumar spisas e bubrondas (excepiu aua da spina) e da slignar slogns. Davart excepziuns en stanza da scola decida la persuna d'instrucziun.

spisas e bubrondas

Art. 10

Sin igl entir areal da scola ein apparats electronics persunals da scholaras e scholars ni veseivels ni udibels durant igl entir temps da scola.

*telefonin/
apparats electronics*

Art. 11

Tut gener dad armas ed imitaziuns dad armas ein scumandadas sigl entir areal da scola sco era durant occurrenzas da scola. Quei scamond sa vegnir extendius sin autras caussas ni apparats che disturban il menaschi da scola.

armas

En cass d'in surpassament vegnan las caussas confiscadas. La scola informescha ils responsabels d'educaziun e tuorna ad els las caussas.

Art. 12

Il fimar (incl. cigarettas electrias e semegliant) sco era il consum da bubrondas alcoholicas e tissis enivronts da tuttas uisas ein scumandai sigl areal da scola ed a caschun d'occaiuns da scola per tuttas scholaras e tuts scholars.

tissis enivronts

Art. 13

Il diever da velos sil viadi da scola ei da principi scumandaus. En cass giustificai san singulas damondas en scret vegnir lubidas dil meinascola. La segirada ei caussa dils geniturs/responsabels d'educaziun. La scola surpren negina responsabladad. Da principi ei carrar cun velo scumandau sigl entir areal da scola.

diever da velos

Art. 14

Ordeifer il temps da scola ein las scholaras ed ils scholars sut la tgira e responsabladad dils responsabels d'educaziun.

responsabladad

C. Proceder disciplinar, cumpetenzas, procedura

Art. 15

- a) Surpassament digl uorden disciplinar vegnan castigai cun admoniziun, castitg, arrest, lavur speciala ni cun in'avertida.
- b) L'occupaziun egl arrest e la lavur speciala han da succeder sut surviglianza. Tenor pusseivladad dueien els haver in connex cun la moda e maniera dil surpassament disciplinar.
- c) Il cuoz il pli ault per igl arrest e la lavur speciala munta a 5 mezs dis per cass. L'execuziun sa era succeder durant las vacanzas da scola.
- d) Tier surpassaments repeti e gravionts malgrad admoniziun ed orientaziuns dils responsabels d'educaziun sa in'exclusiun tenor art. 55 dalla lescha da scola cantunala succeder.

castitgs disciplinars

Art. 16

- a) En cass d'in eveniment sa la persuna d'instrucziun relaschar in'admoniziun a bucca ni a scret, castitgs e d'arrest ni ina lavur speciala tochen 1/2 di.
- b) La direcziun da scola sa relaschar castitgs disciplinars tenor igl uorden disciplinar.

cumpetenzas

Art. 17

- a) La moda e la circumstanza dil surpassament disciplinar ein da sclarir. Las scholaras ed ils scholars participai ein d'audir.
- b) Tier arrest ni lavurs specialas dapli che 1/2 di ein ils responsabels d'educaziun dad audir avon la decisiun.

*constataziun dils
fatgs,
udida giuridica*

Art. 18

- a) Ei sa vegnir fatg recuors encunter decisiuns disciplinaras dallas persunas d'instrucziun e dalla direcziun da scola enteifer 10 dis.
- b) Decisiun dil cussegl da scola ein da cumpletar cun indicaziun dils mieds legals e san vegnir tratgs vinavon al departement d'educaziun, cultura ed ambient enteifer 10 dis dapi la comunicaziun.

recuors

Art. 19

Persunas d'instrucziun, direcziun da scola e cussegl da scola informeschan in l'au-ter appartenent cass disciplinars cun mantener l'obligaziun da discreziun e dalla proporziunalitad.

*informaziuns per-
sunas d'instrucziun,
meinascola, cussegl
da scola*

D Directivas finalas

Art. 20

Las personas d'instrucziun, la direcziun da scola ed il cusegl da scola ein legitimai e tut tenor grevezia dil cass obligai da purtar tgisa tier la polizia ni d'informar l'autoritat per la protecziun digl affon e da carschi (APUC).

accusaziun

Art. 21

Quei uorden disciplinar remplazza il reglement dil 2015/16. Las adattaziuns digl uorden disciplinar niev sco era las mesiras da quel entran en vigur cul datum dalla midada (25 da settember 2017).

entrada en vigur

Per il cussegl da scola dalla scola Ilanz/Glion



Daniela Heini
presidenta



Yvonne Strimer
vice-presidenta

Glion, 25 da settember 2017